

四庫全書

子部

欽定四庫全書

子部
江南經畧卷三下

詳校官中書臣丁榮祚

編修臣倉聖脈覆勘

總校官進士臣朱鈴

校對官修撰臣吳錫齡


謄錄監生臣王志遠

繪圖監生臣秦江

欽定四庫全書

江南通志卷三

太倉州境圖




明


鄭若曾撰

太倉州境圖

東

三卷下一





江南經畧

二

太倉州總論

太倉本崑山縣惠安鄉地也東瀕大海元時海漕番舶咸彙於此嘗立水軍萬戶府以鎮之國初則設太倉鎮海二衛統軍一萬一千二百餘名名曰備倭弘治間撫臣又奏割常熟嘉定崑山三縣之地添置州治法制不可謂不密矣然愚不能無議者何哉夫太倉之濱海與嘉定上海一也嘉上二縣皆無衛所而太倉獨設二衛豈非以崑山縣治離海太遠難於防禦之故耶厥後既

建州治則事勢迥殊二衛之中宜汰其一而猶並峙如
故不幾於冗乎往年倭寇內侵直抵城下兩衛閉門觀
望莫之敢撓良由專重城邑而畧於海港猶之外戶不
嚴俟賊至堂奧而後逐之吁亦無及矣如鄙見莫若但
留太倉衛於州城平時則教場操練以防海寇不測之變
遇警則有司率民登埤以守衛官率軍出城以戰而鎮海
一衛則移置於劉家河口瓶水寨撥巡船專哨海洋與
吳淞白茆崇明相為犄角賊豈能衝突而深入哉萬一

賊衆我寡力不能遏亦當挫其銳至邀其情歸比之聚
二衛於一城賊進海口而莫之禦者相去懸絕何如也
或問劉河七鴉近皆添設把總宿重兵尚不能禦寇之
不入也鎮海一衛何足以支之曰不然倭舶之來暫時
之變也自古豈有越海萬里而能長為中國患者若自
今修復祖宗備倭之制申嚴督撫會哨之法入寇者則
殺之通番者則捕之倭患不久將自息矣患息之後添
設之兵不容於不撤海防養兵之銀不容於不除比時

行吾之言則兵雖撤而把港之兵不乏銀雖草而軍糧之額自存豈非經常之策也哉或又問七鴉浦奈何曰此宜稍緩但分撥一千戶所駐劄守禦而以茜涇甘草唐茜涇三巡司官兵輔翼之足矣

太倉州境考

太倉在蘇州府城東一百一十里古婁縣惠安鄉相傳春秋時吳王即其地置倉號太倉太倉之名始此梁天監中分婁置信義縣大同初分信義置崑山縣而州為

崑山之域宋時置節制司海庫元朱清張瑄創海運於
此通海外番舶凡高麗琉球諸島往來市易謂之六國
馬頭自延祐元年崑山徙治太倉凡四十四載迨至正
十七年復遷崑山州治於馬鞍山陽國朝吳元年立太
倉衛洪武二年分立鎮海衛弘治十年巡撫都御史朱
公瑄奏割崑山東北境湖川新安及惠安鄉之半與常
熟之雙鳳鄉嘉定之樂智即宋時崑山縣醋塘鄉循義即宋時崑山縣平樂鄉
二鄉立太倉州領崇明縣

州境廣八十里袤九十里東至海七十里西至崑山
縣界十里南至嘉定縣界十二里北至常熟縣界六
十里東南至嘉定縣婁塘十二里西南至崑山嘉定
二縣界二十里東北至白茆港口九十里

太倉州城池考

太倉襟帶滄海為三吳屏蔽舊無城垣止有木柵在支
塘鎮西北元至正十六年張士誠據蘇州因防方國珍
遣其將高智廣築今城城高而堅池廣而深雖建築於

僭偽而實為無窮之保障國初太倉與鎮海為衛並治
一城弘治間建州因舊城樓櫓具廢正德九年按察副
使謝公琛命知州事汪惇增隍濬池加甃於城南於東
西北重建城樓柴奇有記次年監察御史唐公鳳儀復命知
州事黃廷宣重構西北城樓王鏊有記城外基俗呼城脚衛
官私得民租度為耕地耕民利開地日取土填濠濠淤
狹且傷及城宜有厲禁

城

週圍一十四里五十步高二丈廣三丈

池

週圍一十五里一百七十步深一丈五尺廣八丈

六尺

門

陸門七曰大東小東

又名竹場門

大南大西小西大北

小北門各有樓樓外有月城水門四曰大東大西

小西朝陽

初築時有小北大南二水門今廢

敵臺

二十八座


窩舖

六十六座

太倉州備寇水陸路圖

東

三卷下七



土

山穿

沙頭鎮

雙鳳鎮

五塘鎮

鎮松塗

施沙堡

太倉州

水次倉

接官亭

勝安鋪

衙子鋪

崑山縣

西

夏駕浦

吳松江

陸家浜

外岡鎮

南

太倉州備寇水陸路考

東瀕大海

其道有三由劉家河至天妃宮出海者其南路
也由北門至七鴉浦出海者其北路也二者皆
舟行之道道之正也由東門東北行至茜涇下
海者其路在劉河七鴉適均之間乃中路也水
溢不可通舟但可陸行道之間也

西距崑山

其道有三詳見崑山縣水陸路考

南抵嘉定

其道有三由鹽鐵葛隆鎮至嘉定之西門者其中路也由青魚涇西南折旋方泰至嘉定之南門者其西路也由弓塘婁塘至嘉定之北門者其東路也中路東路皆正道也西路乃間道也北接常熟

其道有二由五衢唐市任陽雙鳳而至州治之

北門者其陸路也由支塘直塘七浦塘鹽鐵而至州治之北門者其水路也二者皆道之正非道之間也

右水陸可通之道凡十有一雖皆兵防之所當知然不能一一而建寨柵剏屯營專駐官兵以為守禦之計也惟當擇其中之險要者而備之其餘亦惟以游兵行哨奇兵設伏輕兵出襲焉斯可矣計邑之險要凡有五曰劉家河曰七鴉浦曰翕子東

曰夏駕浦曰塗松詳見各圖說於後

太倉衛兵防考

太倉衛指揮使司

太祖吳元年以所俘張士誠兵建衛命指揮同知朱文掌之隸中軍都督府初設十千戶所統軍一萬一千二百餘名洪武四年并為左右中前後五所領吳淞守禦千戶所

署在太倉城陳門塘西南即元崑山州治先為

朱清第號萬戶府吳元年改為衛治 軍器局

在衛治西 軍器庫在衛堂左右各一 軍儲

倉舊在長春橋南嘉靖十七年移建小教場有

使一員斗級二名總儲本府各縣運
到米太倉州委官文放官軍俸糧

屯糧倉

在衛治內

每歲於指揮中撥管屯官一員掌屯
田印徵糧貯倉候過夏後集官軍臨

倉支放

大教場舊在小北門內後移建州治遷

南門外張涇關東 小教場在城內東南隅鐘

樓西

指揮使二員

內掌印一員

同知六員

僉事十二員

鎮撫司鎮撫二員

經歷司經歷一員

領所五

洪武

二十六年定每千戶所統軍一千一百二十名百戶所統軍一百十二名

左右千戶二所營在衛治東南中千戶所營在

衛治西南前千戶所營在衛治東後千戶所營

在衛治東南嘉靖三十六年移中千戶所領軍

一千名戍吳淞江寶山名協守吳淞中千戶所

千戶十三員

正千戶五副千戶八

百戶五十員

每百戶所設總旗二

名小旗
十名

所鎮撫二員

共統官旗舍餘五千七百八十六員名

屯田二百七十三頃四十一畝零歲徵本折色

正糧七千七百三十五石有奇

右太倉衛官軍宜專駐州城平時教場操練有事

出城禦戰者也

鎮海衛兵防考

鎮海衛指揮使司

太祖洪武十二年分太倉衛軍之半命指揮僉事曹勝掌之隸中軍都督府統左右中前後五千戶所領
宗明守禦千戶所

署在太倉城內武陵橋西北即元市舶提舉司
洪武十三年改為衛治 軍器局在城內東南

隅 軍器庫在衛堂左右各一 軍儲倉在長

春橋南

有倉使一員斗級二名總儲本府各縣運到米石先隸嘉定縣委官支放官軍

俸糧後屬太倉州

屯糧倉在衛治內

每歲於指揮中撥管屯官一員

欽定四庫全書

卷三下

掌屯田印徵糧貯倉候過
夏後集官軍臨倉支放

教場在小北門內

舊與太倉衛
大教場相連

指揮使三員

內掌印一員

同知三員

僉事六員 鎮

撫司鎮撫一員

經歷司經歷一員

領所五

洪武二十

六年定每千戶所統軍一千一百二十名百戶所統軍一百一十二名

左千戶所營在衛治西北右千戶所營在衛治

西南中千戶所營在衛治東前千戶所營在衛

治東北後千戶所營在衛治西嘉靖四十五年

移中千戶所領軍一千名戍劉河堡

千戶十九員

正千戶五副千戶十四

百戶五十員

每百戶所設總

旗二名小旗十名

所鎮撫一員

共統官旗舍餘五千五百八員名

屯田二百八頃九十八畝零歲徵本折色正糧

五千九百一十六石有奇


右鎮海衛官軍宜移置劉家河口瓶水寨撥巡船

專哨海洋以副鎮海之名者也

欽定四庫全書

卷三下

劉家河險要圖



劉家河險要說

劉家河在州治東南七十里即古婁江入海之口也

劉家

河自州城西接官亭起一路東南行至天妃宮出海長七十里濶二里

汎月倭舶從東南

洋來此港口為本州第一衝要若進此港則西可以至州城而崑山而府治南可以犯嘉定國初原設水寨於此成化間增建木城官房後以承平而廢近因倭變撫操二院奏設把總兵船提督都御史趙公忻兵備副使熊公桴復造木城官署軍房撥福蒼八槩等船福沙等

欽定四庫全書

三才圖會
卷三下

兵住劄港口防禦固云密矣然賊犯本港必從新竈沙
宋信嘴而後可達須分撥重兵於此防哨遏賊於上游
策之上也拒賊於港口使不得衝入策之中也若縱賊
深入則無策矣且國初鎮海衛之設原分太倉衛軍之
半屯戍劉家港口今天妃宮其故址也後因無城故併
入州城耳今宜考復舊制因水寨而增築城堡移鎮海
衛居之與太倉衛官兵互相首尾豈非經久之計耶

劉河新建堡議

嘉靖四十三年條上撫憲

築堡之由

一劉河水兵有福兵浙兵土兵之殊福浙兵取其家遠熟知海道常行住劄於舟耳今各捕兵多有室家皆潛住州城不免有內顧之念豈肯專心於死戰耶况每歲修艤兵船一次其工約計二月方完兵無所居若築此堡各捕兵室家俱得以安居而兵無虛缺矣此堡之所當設一也

一劉家河直衝太倉崑山蘇州倭舶之來多由此

入向設把總兵船為之哨春汛出哨各沙上流止有一哨守港兵勢甚孤倭若黑夜乘潮順風而來各哨兵船一時豈能策應乎守港者勢決不支必致登岸額設木營原議蘇州衛官兵防守今官兵已革止存空營豈為善策似宜添設陸兵以備陸戰若設陸兵非堡不能屯劄劉家河要害無異吳淞福山此三港皆蘇松之門戶也今吳淞福山俱有城堡陸兵以備夾攻而劉

河獨無城為缺典此堡之所當設二也

一劉家河若春汛時月本港兵船及參將兵船七
鴉兵船俱泊於此三港水兵各有所統各為一
黨一有嫌隙輒相爭鬪隱禍叵測竊惟參將乃
各港之將領水兵皆其所轄也若設堡遷參將
衙門於其內則各港水兵庶有所畏況兵備道
坐鎮太倉而沿海沿江各沙各港俱聽調度可
為東南之長城總參等官原設以備水陸之戰

今總兵坐鎮吳淞江口常鎮參將坐鎮揚舍港口而蘇松參將獨得於春汛畢時長住太倉夫一城之內既有兵備道與一州二衛矣而又有參將衙門不亦複乎似宜移劄劉河港口與吳淞揚舍相為犄角各分信地隨處設備則賊不能乘虛而入矣此堡之所當設三也

一劉家河每歲遇春汛時撫按操巡巡歷港口沿海荒茫無公廨駐劄該州每着糧長結蘆蓆廠

答應每歲動費銀若干兩此皆出於百姓無辜之費也况遇風雨一應隨侍官軍須立於野中寢食無依須築此堡比照吳淞楊舍事例建造上司衙門及海防官廳而後可此堡之所當設四也

一劉家河之北通茜涇陸公新塘諸鎮而太倉州民之富者多居於此往年倭寇登岸民之富者盡遷入城民之貧者皆為倭寇劫殺若築此堡

則附近之民無分貧富無問遠近俱得以全生
矣此堡之所當設五也

一劉家河濱海一帶離城甚遠近年以來七浦楊
林諸河日漸淤塞舟不能行民間糧米欲輸入
城者必假海盤旋而入若遇風潮多致飄沒夫
民之所重者食也太倉民間之米三分在城七
分在野倭寇至此往往擄民負戴饋食此正所
謂借寇兵而資盜糧也若築此堡民便遷徙不

惟可以積糧而又可以全命實為堅壁清野之計此堡之所當設六也

一劉家河離城七十里本港官兵約有三千員名倘倭寇深入道路不通糧餉一時何能接濟且沙船春汛畢時更番防守其落班之船恐在海販鹽為盜軍火器械追貯州庫遇警不便給發若築此堡每歲春汛時海防官於正月間將應給口糧盡數徵貯汛畢落班則追軍火器械亦

盡數查貯不惟可免踈失之虞而官兵亦無缺食之患此堡之所當設七也

一劉家河口之南逼近牛角尖地乃從古出盜之所也邇者雖蒙臺下殲厥渠魁而徒黨尚存愚嘗訪之近所擒者乃羣盜之所倚庇而畏懼者也渠魁亡雖失其所倚而亦去其所憚得以各自肆恣矣合行區處以杜大患切照黃窪在港口南三十五里乃嘉定東最險要之地相應設

兵與劉河水陸官兵相夾防禦則外可以禦倭
內可以弭盜若劉河無堡則兵不能與黃窪聲
應而牛角尖終於無制矣此堡之所當設八也
築堡之證

一照得崑山縣城先於嘉靖十四年巡按衙門設
法覈築係各縣犯罪大户長洲沈寧等量准罰
贖應死罪者認築若干丈應充軍為民者認築
若干丈通計十二餘里未嘗奏請官銀刻期築

完不必請旨之明徵也況今倭亂已久嘗經題
准鄉邨險要俱許民得自築堡防禦載諸會議
平倭事例而劉家河關係全吳財賦重地又值
春汛時月若俟請旨不無遲悞似宜臺下與巡
按作主或一面題知一面興役未知然否

築堡之費

一照得柘林堡週圍四里劉河堡制似宜倣此以
福山堡大二里半週圍五百五十一丈計之則

四里之數該八百九十六丈昔崑山縣築城每丈費銀二十五兩以其高二丈五尺故也切據鎮江府城其高不過二丈則今劉河堡當亦如之每丈該銀二十兩通計八百九十六丈該銀一萬七千九百二十兩思得現今牛角尖入官田五千畝每畝從輕估之牽銀七八錢可變賣銀三千餘兩之數又查劉家河兵餉未闕給者尚有七千餘兩若以三千兩給散四千兩改作

築城屯兵之用二項共該銀七千餘兩可供築
堡將半之費矣撫按衙門若肯准行收贖富戶
犯軍罪者每名築城五十丈即與豁免四府十
八州縣豈無應令者乎是所饒止於八九人而
大工之集其所庇者吾不知其若干人也未知
臺下以為然否

劉河新堡城池考

劉河堡在太倉州城東劉家港海口與嘉定縣接境元

朱清張瑄創海運於此而諸蕃湊集為市國初繇此而漕定遼繇此而使西洋風為東南巨鎮顧無城堡難於守禦自成化間都指揮郭鉉創築木城歲久圯廢倭變以後復為修築終非久遠之計嘉靖四十五年新築磚城建參將府及營房水寨募水陸軍兵添設福沙唬船哨守防禦憲定每歲支軍需銀三兩修葺城垣其圯壞則取辦太倉州

城

週圍三里高二丈二尺濶三丈四尺

池

深九尺濶五丈二尺

門

陸門三東南西各一水門二東西各一

窩舖

一十九座自南門至東門凡五東門至西門凡八

西門至南門凡六

周堡外護潮圍塘

高一丈二尺濶四尺憲定歲役軍兵挑土修築

劉河寨兵防考

劉河港元初於河北岸置嘉定州分鎮水軍萬戶府稱
水寨至正十三年又於南北岸各立萬戶府凡三區統
鎮海靖海定海三千戶所國朝罷萬戶府置巡檢司三
每司設弓兵一百名又立烽堠六正統初金山有警巡
撫侍郎周公忱都指揮翁紹宗復議設軍寨分委蘇州

衛指揮一員千戶二員百戶四員領軍五百名海船八艘春秋二季分番備倭又開教場操練如白茆制成化十六年都指揮郭鉉築木城增立解舍嘉靖二十二年巡按御史舒公汀以解舍圯廢檄太倉州重構并勦軍房移鎮海衛指揮一員百戶一員軍一百名戍守日久軍房毀廢四十五年創建磚城奏設備倭兼理捕盜參將一員水陸把總各一員千戶五員正千戶一員副千戶四員百戶十員水營領兵官三員分左右遊奕哨官一員陸營領兵

官四員

分左右前後四哨

建公署營房專司防禦又移鎮海衛

中千戶所領軍一千名協守

參將署在南門內撫按題行太倉州建千戶

所營在南門東偏水陸把總二營俱在南門

外演武教場在東門外望海樓在南門東

城頭軍器庫軍儲倉在千戶所治內

水營戰船七十二隻舵工七十二名耆民七十

二名船兵一千四百四十名聽差划船兵三十

三名總練下役兵十三名領兵官下職事三名
內左右中三哨各分管船二十四隻兵四百八
十名

陸營百長八名哨長二十四名隊長六十四名
兵五百五十七名雜流八十五名總練下役兵
十四名領兵官下役兵三十六名哨官旗馬十
六名內前後左右四營領兵官各分管官兵一
百七十六名

守禦軍一千名係鎮海衛中千戶所統領號中
營入陸營操練

水營中哨專守劉家河海口譏察海船出入左
哨派守川沙港防海南至施翹港一里北至牛
角尖十五里東至大海右哨派守七鴉港防海
南至劉家河三十里

陸營前左二哨常日本營操練有警聽調右哨
分守陸公鎮東至海口五里西至本鎮地十里

北至甘草司界十二里南至茜涇界十八里後
哨分守牛角尖東至海口五十步西至海口六
家行五里南至川沙港三里北至劉家河十里
沿海整臺十三座上立整房撥鎮海衛軍守汛
每汛陸路官一員督軍七十八名分上下二班
瞭守

七鴉港險要圖

東

崇明縣

七鴉軍營

北
七鴉壑

七鴉港

花浦

茜涇

新塘港

楊林河

丁涇港

劉河巡司

劉家河

南

南沙

宋信嘴

新塘市

茜涇

西

太倉州

江南經界

主

七鴉港險要說

七鴉港西南距州城七十里太倉東北港口莫有險於

此者

七鴉港自州城北門外東北行至海口長七十里濶八丈有奇

與劉家河相伯仲

也寇若自新竈沙宋信嘴而來不犯劉家河必犯此港
寇一登犯則州之北境其禍慘矣常熟崑山以次而進
皆溯流而上不過一日程耳考國初舊制原設旱寨撥
蘇州太倉鎮海三衛官各一員督兵輪守近因倭變撫
操二院奏設指揮官兵水陸防禦兵備熊公桴創建軍

房四十間使軍有所棲止然無城堡可守非久計也況南離劉家河北離白茆港皆太遠聲援不及寇至孤立株守尤非長策須於南之茜涇北之唐茜涇甘草三巡司所轄團練鄉兵以為羽翼庶氣勢聯絡軍民皆有所藉而設立巡司之意為不孤矣其哨守新竈沙宋信嘴之說已詳見劉家河險要茲不復贅云

七鴉港營兵防考

七鴉港營在七鴉港口國初經畧海防以此地為州城

東北險要特建軍營以蘇州太倉鎮海三衛輪委指揮
一員領軍一百名春秋分番防守近經題准專委太倉
衛指揮一員百戶一員領軍二百名水陸防禦每歲更
代新造官署十二間軍房四十間

翫子鋪東險要圖

太倉州

水次倉

北

接官亭

勝安鋪

翫子鋪

自此入崑山縣界

西

東

南

江南經界

翫子舖東險要說

翫子舖在州治西二十里與崑山縣分界自郡城過崑山而東必由此以犯州城須設水陸兵一枝於此與崑山守禦兵互為聲勢賊至彼此夾攻賊自不敢長驅入境矣或曰崑山已設兵矣此非贅疣乎曰不然賊入而遏之出則驅之境外而已方今之通弊也孰肯躡已去之賊而冒死與戰乎故必設險於此協力而守斯為遠

圖

夏駕浦險要圖

東

太倉州

北

西

江南經界

吳淞江

分水龍王廟



夏駕浦

南

菜葭浜

夏駕浦險要說

夏駕浦


夏駕河自赤涇口起至郭澤塘止長二千四百五十餘丈濶七尺有奇

東北通婁

江西南通吳淞江若賊自松江沿吳淞江而來必由此以犯州治之南關嘉靖三十三年松江之賊嘗自此而來焚劫南關東出劉家河口而去蓋避吳淞江口兵船之阻而崑山則反入西北不若此徑之直捷也今宜設官兵一校於此戍守然設險須於夏駕浦西盡入江之處如萊葭浜龍王廟等處乃為要害若以其地非州境

所轄棄而不守則誤矣蓋此地雖屬崑山縣境而蒙災
受禍則獨切太倉故也

塗松險要圖



塗松險要說

塗松

塗松本古鎮宋元豐間改為市

在州治東北三十五里西接沙頭

東連龍市東北為橫涇甘草西南為七鴉茜涇水陸交

會之地也宋元間頗繁盛偽吳張士誠嘗築城

盛或詩有蒺藜

幾處荒城秋之句指此

營兵於此

名義兵營今遺址猶存

以備海寇甚得長

策後以其地不當賊衝不復議設殊不知沿海諸鎮雖有巡司寨堡然相去遼絕必設重兵一枝於此屯戍為諸鎮聲援且當東北白茆港等處賊衝然後得禦寇之

宜而賊不敢肆志矣

太倉州巡司

弓兵烽堠附

茜涇巡司

在太倉州城東北四十五里湖川鄉即宋楊林寨太祖吳元年改今名設弓兵四十名往來巡邏所屬烽堠五座

七浦塘

花浦口

謝家灣

楊林塘

大赦口

每墩另設瞭守弓兵五名

唐茜涇巡司

在太倉州城東北五十四里新安鄉即崑山鎮巡檢
司國朝洪武七年改今名成化中遷東花浦口設弓
兵四十名往來巡邏所屬烽墩十二座

目字圩

向字圩

露字圩

新字圩

職字圩

空字圩

風塘

上杜

寒字圩

同字圩

吳字圩

李字圩

每墩另設瞭守弓兵五名

劉家港巡司

在太倉州城東七十里劉家港口瀕海國朝洪武七年設巡檢張于建署設弓兵四十名往來巡邏所屬烽墩六座

楊家橋

薛市門

小錢門

二十三都 二十五都 二十六都

每墩另設瞭守弓兵五名

甘草巡司

在太倉州城東七十里甘草鎮東抵海國朝洪武七年設弓兵四十名往來巡邏所屬烽堠四座

黃濱

錢涇

鹿鳴涇

雙鳴

每堠另設瞭守弓兵五名

請重建兵備道疏

代

臣惟春秋之義家不藏甲行不挾矢所以戒私逞昭國憲也乃茲強詩羣醜盛列兵仗橫行白晝大發間觸法

抵禁居然無忌其冥頑桀驁之氣將安所不至哉乘時
撲滅罪在罔赦臣恐除惡務本之道不在是也臣吳人
也長育茲土聞見具審臣敢縷陳其詳夫長江東注宗
聯巨海水尾閭固盜叢窟也沙渚剛鹵不可以耕風濤
出沒獨擅長技此其民驅之善則難縱之惡則性然耳
然臣邇往昔自弘治以上未聞江海寇警若是烈也茲
以還則浸多事比某某等各以巨盜蝟集盈千張熾剽
掠更仆迭起瀕江沿海罄業亡命罔所告訴者亦屢矣近

復以某某二姓仇殺殃及土民撫巡計伏首惡靖滅可
伺而餘孽滋蔓肆行方張先後守土諸臣寡所長慮專
務姑息圖倖近功譬諸養癰成疽厭棄鍼艾胸背之患
憂方大耳臣嘗得諸里巷傳議僉謂祖宗之時額建太
倉鎮海二衛備倭截港特設兵備憲司住劄太倉以專
控禦上下嚴督兵民震懼即有小警言不旋時銷格自弘
治十年巡撫右副都御史朱瑄疏建州治添設州牧等
員而憲司寢草自茲法日隳民日病蓋將不勝其害是

何也州牧之與衛吏位相軋法不相束則其勢必玩監
司憲職不過歲一再至積弱之弊遂不可服近奉明旨
令南京內外守備議處擬以撫按巡江等官輪署終歲
事涉張皇竟寡實效顧此武弁不慎名檢罔畏官刑徒
恣谿壑潛為亂階給捕帖為盜鄉導者官戍也誘指稱
為盜間諜者亦官戍也上下冒蔽俗成比周而監禦之
坊決矣夫國家貢賦總遞淮運不踰四百萬石蘇州一
郡歲賦二百餘萬已當天下過半是固皇上股肱郡邇

乃郡寇聲言借運此其競欲緣奸意且不測是歲亢旱
經時千里枯槁歲歉民窮尤可顧慮經國計者所當過
計而善反之更不可漫焉爾矣臣聞漢臣賈誼曰琴瑟
不調必解而更張之乃可鼓也江洋之患若非亟賜興
草臣恐東南之患方厯聖慮臣愚冀得皇上勅下該部
查照祖宗舊制先行沿設兵備副使一員領勅專守地
方嚴束官戍兼理屯田水利鹽法其諸貪殘無耻慣通
海盜等官以漸更調懲誠用消禍萌其海上販鹽造船

等弊聽因勢設策禁於未發庶幾職有專守事非遥制
上畏官刑下憚法網弭盜之患恐無踰此

太倉州倭患事蹟

洪武七年甲寅

八月倭寇海濱

命靖海侯吳禎率沿海各衛兵出捕至琉球大洋
獲倭人船送京師

永樂二年甲申

四月對馬岐倭寇海濱

賊掠浙江穿山而來轉掠沿海上命太監鄭和暨
王景弘侯獻等率師二萬八千有奇海船二百八
艘齎勅諭其國王源道義源道義出師獲渠魁以
獻

永樂十四年丙申

倭寇海濱

嘉靖三十一年壬子

七月倭船至七鴉港

時海上報倭船一在吳淞所一在七鴉港一在崇明沙人不滿百饑且困在七鴉港者為居民楊氏所執凡十餘人

三十二年癸丑

閏三月賊至劉家河官兵擊却之

賊入劉家河揚帆而西守備解明道與六合知縣董邦政率兵迎擊賊遂往吳淞江口

賊首鄧文俊林碧川沈南山等分掠州境

四月賊首蕭顯突至城下焚劫操江都御史蔡公克
廉親督官軍禦却之以鄞人蔡時宜陳可願為幕客
州人疑之併及蔡公公如蘇城

太倉雖濱海久無兵燹是月初九日歟有賊船十
五隻突至劉家河兵備副使吳公相遣兵逐之生
擒阿智等八人斬首八級賊遁去於是人始知其
為倭寇也操江都御史蔡公克廉駐節蘇城聞警

報亟至州戒戎備十三日賊首蕭顯等二百餘人
又突至城下焚劫自南門至西門民舍官倉俱為
煨燼公發官軍出城皆望敵而走莫敢戰公躬自
登城命軍士以火器飛礮擊殺三十餘賊賊乃去
公見賊勢洶湧恐受圍孤城不克有濟欲如蘇郡
官屬皆留之公答曰我非州守也各郡安危皆我
之責若匏繫於此孰與撫巡會議興兵乎遂行時
有蔡時宜陳可願者善談兵通政司參議張公橐

托檢校表本立薦於公公與語悅之置諸記室然
二人實無奇識惟主堅守之議耳士民疑為奸細
謂鄞人素通番二人皆鄞人也而操院用之殆不
可測適王直之黨潛入城為內應為有司所執衆
益疑二人為賊黨二人懼隨公出城州人共毆之
幾斃拘囚拷鞠坐獄三年然後白可願後歸鄞立
功之志愈銳捧監司檄充副使與蔣洲同使日本
王直之就擒實可願等游說之所致云

操江都御史蔡公克廉遣蘇州府同知任環帥民兵
擊賊

先是蔡公克廉在太倉城中見賊勢猖獗不遑奏
請不敢擅動官軍檄本府同知任環選各縣民兵
三百人應之環握符崑山家屬俱在郡城見檄即
行人皆危之或諷環回郡叙別環弗應惟以書戒
其子曰我仗國威東行討賊賊衆我寡萬一不支
臣死忠子死孝妻死節只要各成一個是而已矣

無我憂也環自慮不能生還周身書名以便尋尸
見者無不感泣至太倉賊將圍城煙焰四起蔡公
急召環入環曰兵存與存兵亡與亡將之道也兵
在外而我自入城可乎入則俱入不然與我援兵
我當自戰耳蔡公遂如蘇城而以殄寇屬環環雖
敢任而選帶勇夫罔閑武藝且無援勢孤賊衝至
皆不戰而走環鐵衣單騎帶月獨馳賊疑有伏不
之犯頃之兵士尋之皆還集環謂之曰我領朝廷

勅命義不與賊俱生不可遇難而避若等不教之
民原非軍伍覆沒則可憐逃生則無罪奚必戀我
而徒死乎人人拜泣而謝常有數十人跣步不離
環草棲露宿夜不解甲兵士愁苦不能寐環與談
古今忠孝之事達旦不倦病瘡痍者則調護之慰
藉之隨賊向往捫腹而坐分食而嘗濡雨而行徒
跣而涉與士卒同茹甘苦遇曠野則教以挑持擊
刺之法坐作距覆之方人人感奮時賊橫行莫之

敢格目中常接任兵環懼失士而先登士懼失環而爭進賊深惡環欲殺之一日追急兵士跽而哀籲賊大呼曰我所欲殺者任環耳可速指任為誰我則爾貸庖人徐珮應之曰即我是也欲殺則殺賊遂殺珮而去環收珮屍瘞而奠之先是珮恐賊覓環以環所乘馬甲冑裝束行野戒左右呼為任爺身當賊衝置環生路嘗因危迫與環同匿深溝中賊夜過之不知環嘗被流矢墮馬兵衆舁之而

馳又遇賊水濱掖環過橋斷橋木賊不能及因是賊知環德感人之深人皆樂於效死弗恐害且憚之每遇環輒大笑曰任拚命又來矣遠而去之民有被擄逃歸者述賊疑環屢殺屢存殆天神非人也不可殺是月積勞公疽發於背掀如盤水粒俱損猶裹瘡履陣後乃臥太倉西門城堙郡中士民聞而憂之生員陳恕等呈於各院檄而歸之五月賊遁出海州判金汝舟千戶楊循禮擊敗之

擒斬賊八十有奇

十月賊掠浪港

是月十六日賊三百餘人大船六隻泊浪港登岸
焚掠州城震恐

三十三年甲寅

四月州判金汝舟指揮姜統擊賊於劉家河大敗之
賊首蕭顯自正月復據南沙為官兵擊走至是突
入劉家河統與汝舟率舟師擊敗之斬首一百有

奇

賊攻南門

十二日松江之賊由夏駕浦青魚涇突攻南門分一支西北行沿城焚掠

賊犯州城及掠諸邨鎮

十三日賊舟四十餘艘至劉家河口千戶張瀚等帥兵船逐之出洋續至六舟揚帆直抵朝陽門與松江之賊互為聲援是晚賊舟復大至入劉家河

泊南關分遣其徒往崑山縣凡本州諸鄉鎮派賊分劫舟有定數地有定界擄民嚮道啖之以財劫之以威故雖窮僻之處無有不知而到者

賊攻東門兵備僉事任公環擊敗之

二十三日毛家市葛隆鎮及諸邨鄉之賊皆會屯於淮雲寺李王廟江家園三處各離城半里伐竹木為攻城之具二十九日賊列於大東門朝陽門一帶吹螺發火器弓矢與城夫對敵別以百人昇

梯渡濠僉事任公環躬督士民發飛礮流矢傷殺甚衆又縋敢死士出城力戰賊敗而走遺棄兵械我兵悉毀之時賊眇城為唾手可得及敗衄攻城之念始弛

五月賊舟出洋官兵追擊之斬獲有差

十二日二大王之黨二千餘人自崑山斜堰至本州直塘鎮由七鴉浦出海十八日各縣之圍皆解賊舟悉由劉家河出海凡三百餘艘結大鯨而行

三日始盡本州同知張魁判官金汝舟千戶田應
山楊尚英王應麟等追擊之至寶山下七等洋奪
其舟四十隻斬馘三百九十二級二十四日賊自
七鴉港出海者一百十舟指揮姜統與金汝舟楊
尚英等共追擊之斬首一百五十餘級溺水死者
不計

六月賊攻西門蘇州府同知李敏德率官兵擊走之
初一日賊四百餘人屯陸家橋突至南關焚掠初

二日攻西門時本府同知李敏德在城率官兵擊之狼兵請與之俱戰於水次倉賊敗而走官兵追擊復大敗之

八月賊假道太倉如蘇城兵備僉事任公環遣官兵禦却之

十四日賊千餘人由江東羅店進薄城下欲犯府治兵備任公環遣官兵拒擊之賊不得進仍由故道還柘林

三十四年乙卯

正月賊至直塘鎮

倭賊自郡城過崑山至直塘將如雙鳳疑有備遂遁去

六月賊遁出海知州熊掣追擊至登舟沙大敗之常熟三丈浦之賊為兵備副使任公環所撓遁出海掣與把總楊尚英州判張大倫追至登舟沙圍而攻之賊死無算俘斬一百三十有奇

七月賊舟過劉家河把總劉堂追擊敗之

十五日江北之賊載輜重欲歸日本道經劉家河口堂尾而擊之賊大敗十七日獲其二舟而還

參將盧鏜都指揮王沛敗賊於劉家河

先是賊自王江涇陸涇壩數敗之後勢甚窮促參將盧鏜都指揮王沛時往撓之賊死傷及疾疫者過半乃潛伏巢穴不敢出掠日為遁歸之計已而為官兵邀擊遂沈舟破釜示無去志然實覲官兵

不備之於海而得志也鐘等奉憲檄率舟師預伏海口伺之賊果遁去追敗之於劉家河金山洋悉沈其舟賊溺死無遺

八月七鴉港賊遁出海把總楊尚英等追擊敗之

三十五年丙辰

二月賊入七浦寇東鄉諸鎮

四月賊掠茜涇等鎮

十三日倭船突至茜涇鎮團長率鄉兵禦之十八

日黃窪新塘之賊合船至茜涇與弓兵鄉民合戰
不勝遁走七鴉港少遲賊復至屯錢思橋分其徒
作二支一由七浦塘至官場路一往甘草鎮焚劫
十九日知州熊桴遣兵襲其巢賊方出掠聞報還
救與官兵戰各無勝敗二十日賊掠橫涇鎮勢愈
熾

五月賊自茜涇薄州城判官張大倫帥師擊之不克
初三日茜涇之賊掠沙頭鎮而南將至城下大倫

督師與戰方酣賊伏兵起我師遂潰賊亦去

六月總兵俞大猷追擊賊於茶山大敗之

初九日七鴉港賊與吳淞之賊相繼遁去大猷督把總劉堂楊尚英等兵船追之移檄福山把總鄧城鎮撫包守正等兵船從東北應援初十日追及於茶山東北深洋四面夾擊賊舟沈者六十餘艘擒斬三百十一名顆其餘殘賊皆宵遁是戰也賊溺死海中者以千計而我兵僅傷三人亦一奇勲

也

三十八年己未

四月倭船犯劉家港官兵禦却之

初九日倭船突至三沙總兵盧鏜與把總楊尚英迎擊敗之已而衝劉家港官兵拒擊之頗有斬獲賊不得入遂遁往三沙

四十四年乙丑

四月賊犯三沙巡按御史溫公如璋兵備副使耿公

隨卿督副總兵郭成等討平之

賊自三沙受困之後不敢覬覦蘇松越六年人心
懈弛將士玩愒兵備副使耿公隨卿與太倉州署
印州同蕭奇勲相與憂之耿公周歷沿海申嚴號
令稽察將領奇勲則潛募壯士備火藥廣儲蓄為
戰守計本月十六日賊舟由大衢山南行者甚衆
由羊山西行者七十餘艘蓋欲犯蘇松也適捕黃
魚船數百艘在洋協力與戰賊懼而去零賊六舟

突犯三沙下脚耿公擢副總兵郭成參將田應山
都司邵應奎等往擊之而自與蘇州府海防同知
劉一麟出劉家河督戰將士不能規避賊見官兵
大集遁往江北江北兵拒之不得逞十八日復回
縣後沙川心港郭總兵與邵都司江北田參將大
兵三枝困賊於絕地者五日賊勢大促而我兵觀
望莫敢擊二十三日颶風大作福蒼八槳等船久
不修艤破散飄溺兵得上岸者賊輒殺之莫紀其

數航工捕盜火器資糧皆為賊有識者恨之二十
四日兵備道新調兵又集賊遁出洋官兵追之莫
及是夜三沙又到賊舟二隻吳家沙新竈沙響沙
皆有賊焉先是巡撫都御史周公如斗以迎護景
藩喪往安慶府飛報不能即及巡按御史溫公如
璋在宜興縣星夜馳詣太倉謂諸將曰賊至浹旬
若曹不能立尺寸功而更損舟師罪在罔赦若三
日不破賊必以失機奏聞諸將懼請效死戰溫公

乃取兵備道兵及州同知蕭奇勲所募兵往三沙助戰而以指揮朱先武昌祖為蒞陣官耿公又遣參將田應山等策應之大兵既集火器資糧皆稱竭乃將士規避故習也蕭同知以其平日所備應之隨取隨足未嘗踰時將士無以藉口溫公遣火牌督戰甚峻蕭同知解懸賞銀二千兩亦至人心大悅二十六日諸將奮力與賊戰於三沙賊敗走縣後沙官兵追擊之沈其舟一艘賊登陸為官兵

擒斬十八名顆墮海死者不與焉遺賊一舟遁往
高家嘴總兵郭成先以陸兵列沙灘左右而以舟
師逼賊且火其舟賊不得已登陸則前所遣陸兵
與兵備道兵蕭同知兵四面夾擊賊大敗生擒三
十七名斬首七十有七餘賊伏叢莽中郭總兵遣
通事往諭之賊降者二十人其不肯降者尚伏莽
中夜半盜沙船欲遁沙兵覺之殪於海中又二十
餘人是戰也總兵郭成參將田應山都司邵應奎

之功固多而陷陣先登則兵備道及蕭同知兵之功尤不可誣因溫耿二公威令禁搶首級故苗兵得攘之為已功云

五月官兵擊賊於三沙外洋大敗之

巡撫都御史周公如斗聞海洋有警自安慶馳至太倉適縣後沙先捷巡按御史溫公巡江御史尹公攜將士於本州教場中偵者報洋山殿前山淡水門賊船一艘且至三公相謂曰方今有事正駕

馭將官之時雖例有宴可廢也即遣總兵郭成率將士擊賊成遣都司邵應奎等自三沙向東南行而親督把總車梁等從高家嘴東行會合截殺及於三沙東南外洋賊大敗生擒六名斬首十六級死洪濤中者不計二舟皆犁沈賊無孑遺矣先是耆民多崛強與航工相推諉臨陣規避縱賊當道雖素知莫如之何署印州同知蕭奇勲謂此輩宜結以恩訪耆民中知兵者優禮之有過恕之臨

出海厚犒之者民感激爭盡死力故得以成功云
按太倉之警非一時文武諸臣相與盡力戰守
城幾危矣若捐生不顧轉戰數合至使寇稱之
為任拚命者則任兵憲環之樹績尤奇徐珮以
一庖人而身代任之死又庶幾與紀信同傳矣

太倉使往日本針路

附錄

太倉港口開船用單乙針一更船平

每一晝夜分為十更以焚香枝數為

度吳淞江用單乙針及乙卯針一更平寶山到南匯嘴

用乙辰針出港口打水六七丈沙泥地是正路三更見
茶山茶山下水深十八托自此用坤申及丁未針行三
更船直至大小七山灘山在東北邊灘山下水深七八
托用單丁針及丁未針三更船至霍山霍山用單午針
至西後門西後門用巽巳針三更船至茅山茅山用辰
巳針取廟州門船從門下行過取升羅嶼廟州門水深
急流升羅嶼用丁未針經崎頭山出雙嶼港升羅崎頭
俱可泊船崎頭水深九托雙嶼港用丙午針三更船至

孝順洋及亂礁洋雙嶼港口水流急孝順洋水深十三
托泥地亂礁洋水深八九托取九山以行九山西邊有
礁須知防慎九山用單卯針二十七更過洋至日本港
口打水七八托泥地南邊泊船

明初太倉至北京海運故道

附錄

太倉劉家港口開船出崇明平安沙小洪放洋東北行
經白棘沙綠苔沙入管家洪直北至海門縣界呂四場
轉東過瞭角嘴是橫上再北過胡椒沙是大橫多陰沙

宜勤點水所謂長灘也望白水洋東北行見官綠水一
日見黑綠水正北行兩日夜是黑水洋又兩日夜見北
洋綠水又一日夜正北望顯神山半日見成山如在黑
水洋正北帶東行量日朗不見成山黑水多必低了望
見升羅嶼西有磯如筆架即復回望北帶西行一日夜
見成山如在北洋綠水見延真島西北望山尖是九峰
山西南洋有北茶山白峰頭石礁橫百餘里激浪如雪
即開帆望東北行半日見成山成山頭絕險自放洋入

黑水夾延真白峰頭轉成山所謂萬里波濤也若約畧
程次隨路趨避則自劉家港起經崇明過瞭角嘴至大
河營約程三百餘里中有大安沙縣後沙各沙嘴淺灘
宜避自大河營經胡椒沙黃沙洋酣沙奔茶場呂家堡
關龍江淮河口至鶯遊山約程六百餘里中有黃沙洋
一路陰沙關龍江險潮宜避自鶯遊山東北遠望瑯琊
山至齋堂島約四百餘里中有石柘瀾胡家瀾曲伏桃
花瀾宜避自齋堂島正東繇膠州靈山島東北遠望勞

山前投福島約二百餘里有靈島鼓樓園唐島驢鳴
嘴董家灣捉馬嘴宜避自福島東避老君山望田橫島
約百五十里自田橫島繇青黃島遠望槎山前投延真
島約四百餘里有劉家嶺及島東三孤石宜避自延
真島稍放洋轉杵島嘴北過成山頭西北望威海山前
投劉公島約二百四十里中有黑石島餓狼嶋石成山
頭殿東頭宜避自劉公島西北避黃家嘴又西避靖子
島小杵島遠望芝罘島約二百餘里自芝罘島過龍洞

直西望長山島西投沙門島約一百八十餘里中有龍洞嘴灣子口抹直口金礁嘴新河海口觀音嘴石長沙嘴石宜避自沙門島西南遠望三山島約二百餘里中有大石瀾羊欄礁石宜避自三山島過芙蓉島直西投大清河約四百里中有虎頭崖東北碎石海倉口椿米閘石宜避自大清河百六十里至大備河二百餘里至大沽河進直沽 回程自直沽開洋望東拋南一字行使一日夜見半邊山便見沙門島若挑南字多必是菜

州三山便挑東北行使半日便見沙門島若挑北字多
必見碗磯山往南收登州衛北沙門島開船東南山嘴
有淺可拘中望東行使好風一日夜到劉島收入宮前
劉島開洋望東挑北一字轉成山嘴望正南行使好風
一日夜見綠水好風一日夜見黑水好風一日夜便見
南洋綠水好風兩日一夜見白水望南挑西一字行使
好風一日點竿累截二丈漸漸減作一丈五尺水下有
亂泥沙約一二尺深便是長灘漸漸挑西收洪如水竿

截著硬沙即不是長沙地便復回望大東行使見綠水
望東行使到白水尋長沙收三沙洪如收不得洪即望
東南行使日間看水黃綠水浪花如茶末水夜間看浪
潑如大星多即是茶山若船稍坐茶山往西南一字好
風半潮北見崇明沙南見青浦壑沿岸劉家港如在黑
水洋正南挑西多必是高誤前有陰沙半洋沙響沙攔
頭沙即是瞭角嘴北便復回往正東行使看水色風汛
收三沙洪如風不便收不得洪即挑東南行使看水色

收寶山如在黑水大洋挑東多必是低誤可見隔界大山
一座使望正西挑南一字行使好風一日夜便見茶山
如不見隔界山又不見茶山見黑綠水多便望正西行
使必見石龍山孤礁山復回望西南行使見茶山收洪
後住

崇明縣境圖

東

三卷下五十四

大江北

鹹水洋

莫角嘴

沙家嘴

東沙嘴

第十甲

川沙嘴

田沙嘴

蛇山

盛家港

下春港

淡水洋

洋山

蘇州洋

亂礁山

小斯港

大斯港

長沙嘴

所屬港

沙家嘴

沙家嘴

沙家嘴

沙家嘴

沙家嘴

沙家嘴

沙家嘴

沙家嘴

沙家嘴

寶山

七

五

土

張山

高明沙

沙前營

馬安沙

登舟沙

像沙港

崇明縣

港姓費

港寄陳

船上

三沙巡司

沙棚

無名沙

沙咀

沙咀

顧家壑

西沙巡司

新興沙

盤沙


老士道

吳家楊

西

江南經界

五五



崇明縣總論

崇明新縣乃古之平洋沙也孤懸海中凡江口大小諸沙咸屬焉其地雖名為蘇之屬邑而風氣迥別離府太遠弘治中當道建議領於太倉州錢穀三萬餘石專供本所本縣俸糧軍餉不在綱運之列沙中多豪右一有期會恭順勝於內地但其人性剛而氣猛好勝而輕生平居忻忻頗敦禮義一有所觸即不相忍甚至亡軀破家亦不恤也君子謂其有田橫之風故蘇州諸邑惟崇

明之地為最險亦惟崇明之人為最悍邇來島寇不靖
一或登岸輒流毒內地若沙兵與之水戰或至而擊其
饑疲或去而絕其歸路罔不殄滅但緣向來賞罰不明
致相解體而貪婪鼠輩因公濟私縱其饑入邀其飽出
焉耳如愚見須委本州縣廉正官為士民素所欽服者
親臨各沙籍其丁壯編為土兵仍令各兵舉信實能幹
者民為之統領申明進生退死之條嚴立縱饑擊飽之
律優其禮遇足其芻糧時其訓練有船者量與顧賃修

理之費無者官為給之使艨艟巨艦千百為鯨縱橫海島中則南可以衛嘉興松江之頭顱北可以引通泰二州之肘腋西可以護太倉嘉定之腰腹而伸膝東向控制諸島若發蒙振落爾而又內有新十百戶所為之守城舊十百戶所為之備倭外有三巡司為之哨邏海島關隘斯亦備矣大抵崇明乃地自為隘人自為伍與內地頗不相侔所貴乎駕馭之者寬嚴並施恩威兼濟無太束縛驟馳使急而至於敗則得矣

崇明縣境考

崇明縣在郡城東三百一十四里海中唐武德元年海門之南騰湧二洲名東西二沙漁樵者土著焉嗣是芟刈墾闢易而為田民乃攸居立鎮西洲以通有無於江北因是屬通州海門縣崇明之名所由始宋天聖二年續漲一沙與東沙接壤而前兩沙之民徙居焉建中靖國初又漲一沙於西北距五十里即今所謂三沙也嘉定十五年更置鹽場號曰天賜場元至元中立為州隸

揚州路越七十餘年治之南嚙於海至正十二年壬辰
知州程世昌等徙州治於新漲沙北十五里國朝洪武
二年改州為縣仍隸揚州府八年改屬蘇州府永樂十
八年城復逼於海知縣高居正遷於北新漲十里地名
秦家符弘治十年建太倉州縣屬太倉未幾海嚙秦家
符嘉靖八年知縣杜畿遷治於三沙馬家壑西南二十
九年海復壩逼東北二隅知縣尹徹遷於平洋沙

縣境吳家沙東臨大海登舟沙西近狼山南之斜洪

抵劉家河東南新開河近吳淞江北之浦沙近海門
江北疆域彼此界限固不可越而積沙成壤滄桑不
恒未可以里至定然東西南北自可約計東至蛇山
約二百里西北至狼山約一百里西南至太倉州界
約四十里北至海門縣界約一百里

崇明縣城池考

崇明縣城舊在新漲沙北元至正末年創建國朝永樂
十八年為海潮所逼遷建於秦家符地方弘治間復啗

於海嘉靖八年知縣杜畿遷治三沙三沙地形東西將四十里南北十餘里控諸沙之上游為一邑之中土縣城設於其中極為控扼險要緣東近大洋城東北二面漸為海水所瀦傾去其半二十九年知縣尹徹遂遷治於平洋沙建城西南隅失險甚矣

城

週圍長一千二百九十五丈二尺高一丈八尺厚稱之

池

深一丈餘濶十丈有奇

陸門

四座

水關

惟東南一座

敵樓

四座

窩鋪

二十八座

雉堞

二千六百四十七垛

崇明縣兵防考

崇明守禦千戶所國朝洪武三年立隸中軍都督府領
於鎮海衛原設千戶一員百戶十員統軍一千二百名
守禦城池永樂十四年倭人入寇發鎮江鎮海二衛軍

一千一百二十名以百戶十員統之來禦遂隸本所守城為一千戶所其舊戍軍兵令習水戰設備倭風船十隻停泊舊縣東南名曰水寨又為一千戶所俱領於鎮海衛宣德六年將鎮江鎮海二衛軍發回調蘇州衛軍一千名以百戶十員領之戍守厥後世平船壞水寨倭軍亦掣入城守禦嘉靖中海寇倡亂復調浙江兵四百名領兵官一員協守三十八年通政司使唐公順之改守禦所為都司題設都司一員三十九年巡撫都御

史翁公大立題改金山參將來鎮四十五年以崇明參
將改鎮劉家河以劉河把總來鎮

崇明縣備冠水陸路圖

東

洋山

三卷下六十一

三升沙

四升沙

蘇州洋

此係吳淞江門戶

竹頭沙

高家沙

鹽家沙

鹽家沙

陳廟港

廟子港

鹽家港

鹽家港

水春港

三沙下脚

水春港

新龜沙

水泉河

新開河

新溝

新岸溝

三沙巡司

長明港

南大港

南大港

鹽家港

鹽家港

鹽家港

鹽家港

鹽家港

鹽家港

鹽家港


鹽家港

鹽家港

鹽家港

南

七



崇明縣海洋路辨

或問崇明諸沙孤懸海中賊舟無不可至其何路之有
曰不然舟在海中橫行而無阻者惟外海深洋耳其在
內海如山東遼陽廣福浙竹勞劍秀之類山根連絡非
得其理不可行也况崇明在淮揚之南嘉抗之北雖無
山島而陰沙暗塗往往延亘數十里糾纏錯雜舟若觸
之則膠淺閤漏之患詎能免乎故倭舶內犯必由洋山
分艚坤庚針則經竹箔沙以入吳淞江辛酉針則歷三

沙下脚新竈沙宋信嘴北以入劉河七鴉或過吳淞江而不能入也則宋信嘴之南亦可以竟達於劉河也竹箔沙之內高家嘴之外沿海而西北者謂之楊家路海舶得此方能展舒自七鴉而北則江南之常鎮江北之淮揚無不可之矣或自竹箔沙而得東南風則轉而為坤未針青邨南匯金山罹其禍也或乘輕舸由哨馬繡鞋之類而來則自三月沙以西或出區擔沙之南而犯三沙或出區擔沙之北而犯平洋沙營前沙犯平洋沙

則江南三郡受其害矣犯營前沙則江北諸郡受其害矣寇踪之歸也亦然若自諸郡戰敗而無所掠則必洩忿於諸沙故寇船之進退也有五路焉三汊沙者諸沙之關鍵也三汊沙之北區擔沙為重三汊沙之南縣後沙為重新竈沙劉家河之要路也竹箔沙吳淞江之要路也兵船會哨雖各有信地然禦賊於門戶之間孰若禦賊於藩籬之外為第一義乎若曰海中無路隨處可行此正兵船規避之說也是不可聽

三汊沙險要圖

東

北

三汊沙

高家沙

西

南

新窰沙

三沙險要說

三沙在縣治東北孤立海中四望無際島寇從東北
大洋而來必經此沙蓋浙直二省之咽喉也賊若南行
則浙之寧紹台溫直之蘇松無所不通矣西行則本縣
三沙平洋沙常熟福山許浦江南之常鎮江北之淮揚
惟其所之豈直一邑利害之所關哉舊說謂各沙之門
戶亦見之小矣必設重兵防守而各沙兵船以之為會
哨之地賊至則極力截殺互相策應遏賊上游此其第

一關鎖也

新竈沙險要圖

卷三下

北

三沙下脚


東

新竈沙

南

吳家沙


西



新竈沙險要說

新竈沙在三沙東南竹箔沙東北其東即無際大洋也
三沙下脚為各沙門戶新竈沙實逼近之自此而西則
宋信嘴在焉蓋不由竹箔沙而徑可達劉家河亦一間
道也第此處沙塗暗伏非熟知之人不能行故島寇大
觔不敢直擣然在我不可謂非險要而棄之况逼近三
沙此尤當慎

竹箔沙險要圖



竹箔沙險要說

竹箔沙在縣治東南七十餘里乃南沙之南盡處也外
為無際大洋南與高家嘴相對為內海之南門賊自洋
山而來欲入吳淞江等處此沙正當轉屈之間賊舟過
此然後由楊家路沿海而北吳淞江首受其衝以次而
及劉河等處必設重兵於此與三汊沙宋信嘴兵船會
哨互為犄角若賊至此則竹箔兵船為主而新竈兵船
從北應之吳淞江兵船從南應之必使賊不得過此則

內地可高枕而卧矣

三沙險要圖

北

縣後沙

交沙洪

三沙巡司

三十八年賊據
北為巢

東

西

蚶山港

渡船港

上套

下套

火燒港

南

平洋沙

老鵝嘴

三沙險要說

三沙崇明舊縣治也控諸沙之上游為一邑之中土嘉靖初遷建縣治於此又有守禦千戶所俾兵民雜守極得備禦長策因東近大洋海水衝啗城東北易圯遂遷治平洋沙而此沙僅一巡司領之吁失險甚矣蓋此沙下脚北通狼福二山南通宋信嘴江南江北數郡之關鎖也須於春汛時月參將督兵船於此駐泊分遣遊兵各沙會哨使賊不得過此以達營前沙底幾大江無虞

而南都安若泰山矣

欽定四庫全書

卷三下

縣後區擔二沙險要圖

三斗沙

區擔沙


縣後沙

北

西

南


三沙



縣後區擔二沙險要說

縣後區擔二沙俱在縣治東北三沙之門戶也賊若過三沙沙南行則由縣後以犯三沙吳家等沙北行則由區擔沙以犯營前等沙然後北入通泰二州南入蘇常二府必設兵船守之以為第二重關鎖猶可遏賊深入之勢若棄而不守賊得縱橫豈直一邑殘破而已哉

南沙險要圖



南沙險要說

南沙在縣治南七十里與竹箔沙連壤即西沙也其西北盡處為宋信嘴與劉家河相對島寇自竹箔沙而西則吳淞江兵船所截不得入必自此而北至宋信嘴其南北二洪必由之道也若設重兵一枝屯守於此與吳淞江劉家河之兵相為犄角若賊至此則南沙兵船為主而吳淞江兵船從南應之劉家河兵船從北應之賊豈能直搗乎不然劉家河受其禍七鴉白茆以次而及

矣

南沙營兵防考

南沙軍營嘉靖十九年因秦璠王艮之亂巡撫都御史
夏公邦謨奏置每歲春秋二汛分番防禦春則太倉衛
委指揮一員千戶一員百戶一員領軍八十名往戍至
秋更代秋則鎮海衛委指揮一員千戶一員百戶一員
領軍八十名往戍至春更代竊謂兵力單弱亟宜添設
重兵與吳淞劉河相為犄角者也

營前沙險要圖

北

狼山

揚子江

營前沙

東

西

江南經界

登舟沙

平洋沙

南

營前沙險要說

營前沙在縣治之北為大江入海之砥柱賊舟若過此而西則江北淮揚江南常鎮諸郡任其衝突矣必於此多設兵船與狼山福山互為聲援賊始不能長驅入江也

爛沙險要圖

平洋沙

北

東

爛沙

西

南

江南經界

卷之三

卷之三

卷之三

諸沙總論

諸沙紛列其名甚繁而究其要害當設險者不過已上數洪而已此外諸洪暗沙伏塗潮壅則有洪之形潮退則閣淺而不能行方其壅也舟亦不能大艚而過故東南海口以竹箔為要東北海口以新竈爛沙三井為要守此四路則豈惟蘇松可保安哉所以固長江之上游而留都陵寢萬億年無疆之休亦在是也

崇明縣險要論

崇明孤懸海中四面受敵隨處可登其港口十餘如錢打紙盤船洪之類賊舟無處不可收入而青龍港直通縣城之內尤為緊要皆險之當設者也但崇明險要與他邑不同他邑或在疆邊或在腹裏江湖山鎮相機憑藉為寨為屯一時可以據守崇明則茫茫大洋諸沙環列賊若登據一沙則其衝突之勢縣城為之岌岌矣況可俟其薄縣治而後制之乎故須以本所官軍本縣民兵二三千人專守城池與本邑港口而各沙則以耆民

兵船分屯互哨相為聲援賊來則拒之勿容停泊賊去則追之無分彼已則凡環列諸沙賊皆難犯而況於縣治復何虞乎若曾聞寇舶之來東南必由乎竹箔沙東北必由乎匾擔沙正東必由乎三沙下脚茲三者皆在諸沙之外乃崇明之外戶也三處哨船往來不絕則賊之蹤跡可知而為備不難矣若舍是而泛備乎諸沙則猶扃鑰不嚴而縱賊內入拒之於堂奧也可乎哉故平洋設備不如諸沙之善諸沙設備不如三者之善或問

寇性狡悍豈沙民之所能敵乎曰否海中之洲有山者
謂之島無山者謂之沙沙島之名雖殊其為海處一也
深淵巨濤閱歷出沒島人能之沙民亦能之迎潮戢風
低昂傾側島人能之沙民亦能之火攻石擊進退衝犁
島人能之沙民亦能之危礁暗磯練達翅避島人能之
沙民亦能之更船針路候望推測島人能之沙民亦能
之風飡露宿服習忍耐島人能之沙民亦能之殺人於
貨狡獪狠頑島人能之沙民亦能之弗鬪原野弗交短

兵而但相與角智力決雌雄於煙波浩渺之鄉沙民何
歟於島人哉所貴者用之有道馭之有方得其心斯得
其力得其力斯得其效矣

崇明縣巡司

弓兵烽堠附

西沙巡司

在崇明縣治西八十里西沙國朝洪武初建設弓兵
四十名往來巡邏所屬烽堠十三座

南沙

薛家港

第五港

第八港

第九港

界溝港

水洪港

道堂港

陳子中港

秦墳港

川洪港

石家濱

第三小桐板

每墩另設瞭守弓兵五名

三沙巡司

在崇明縣治北五十里三沙

即舊縣治

國朝洪武初建設

弓兵四十名往來巡邏所屬烽墩七座

長敢

徐公濱

青水濱

北新河

新港

北白滑

吊湊

平洋沙巡司

在崇明縣平洋沙

即今縣治

國朝洪武初建嘉靖二十九

年遷縣築城於此巡司署在東城外設弓兵四十名
往來巡邏所屬烽堠十座

下橋港

東滑

鍾家窰

出水套

鰕港

水竇港

南大港

陳八港

沈婆港

潭子港

每墩另設瞭守弓兵五名

又沿海烽墩七座

上港

南海

會姚港

張家港

下界泮港 大套

青潭港

每墩另設瞭守弓兵五名

崇明縣倭患事蹟

洪武二年己酉

二月倭犯海濱指揮翁德擊敗之

時倭賊出沒海島中數肆侵擾殺掠居民劫奪貨財沿海之地皆患之太倉衛指揮僉事翁德督舟師出海捕之過於海門之上帮麾兵衝擊多所殺溺生擒數百人并得舟楫以聞陞本衛指揮副使仍命往捕餘寇德再往倭懼不敢出沿海遂寧

三年庚戌

七月倭掠縣境

舊縣治也即今之三沙倭寇剽掠民財殆盡

七年甲寅

八月倭犯海濱

永樂二年甲申

四月對馬岐倭寇海濱

十四年丙申

五月賊陷縣城

十二日倭寇突犯縣治城陷入之殺擄官民三百
餘人事聞發鎮江鎮海二衛百戶十員率軍一千

餘名禦擊之寇平遂隸宗明守禦所守城其舊戍
官軍發入水寨自是賊無至境者

嘉靖三十一年壬子

七月倭船泊縣境

時有倭船飄至宗明沙饑且困剽掠海濱有巡檢
紹之曰棄爾兵則與爾船賊投刀海中擒獲二十
餘人自言船主龔十八與倭通販飄入朝鮮界朝
鮮人襲之死戰脫風便七日至此本非為寇已而

知官兵易走乃有輕中國之意

三十二年癸丑

閏三月賊首鄧文俊等分掠縣境

四月賊犯南沙

耆民施珽禦戰死之

七月賊據南沙

賊首蕭顯與孫二等既臨上海縣由吳淞江出洋
官軍阻截之不得歸率五百餘人登南沙據之官

自序
卷三下
軍焚其舟時七月初七日也巡江御史周公承學
調儀真守備解明道蘇州府同知任環率兵船征
之方布陣欲戰而新倭大至遂歸守要害南沙積
粟素多悉為賊有官軍不能困矣

十二月副總兵湯克寬討賊於南沙敗績

克寬奉命討賊賊首蕭顯偵知之招集各沙新賊
以待克寬帥邳兵渡海時府同知任環將沙耆民
兵於海濱謂克寬為前總兵慶子家世將兵必善

射以所部耆民兵兼屬之克寬渺視蕭顯不足敵
猝發兵抵沙岸天未明竟進蕭顯多智預於沙岸
設伏俟湯兵半至伏起湯兵大驚前後不相顧潰
亂而敗死者千餘人克寬收兵還環大悔之自率
耆民兵與賊相持耆民心素歸環樂於致死凡賊
舉動機智環皆覘知而預備之蕭顯懼甚欲走而
不可得

三十三年甲寅

正月賊遁走如嘉定

先是除夕府同知任環歸郡朝賀而委耆民督兵
守賊兵飲節酒防守稍懈蕭顯乘間出奔往嘉定
施家港登劫

賊復據南沙參將解明道擊走之

二十一日南沙復到賊船二隻收泊野茅港二十
二日明道帥師擊之斬獲過半餘賊遂悉遁而去
四月賊掠諸沙

初十日倭賊數百人登泊舊縣水竇港殺掠甚慘而區擔沙三升沙營前沙響沙長沙南沙諸處皆有賊登泊焚掠南沙尤衆

三十四年乙卯

正月賊陷崇明縣知縣唐一岑力戰死之賊旋就滅一岑素忠勇善鬪初三日舊縣水竇港之賊數攻城輒為一岑所擊敗初七日城有崩摧者賊乘夜襲之遂陷一岑率衆巷戰手殺十餘賊身被數刃

猶力戰不已賊大敗逃去一卒傷重而死居二日
賊復入縣城據之諸耆民相與謀曰唐父母為城
而死而復容賊留城中我輩之羞也不殺賊何以
報唐父母於是相與戮力死鬪賊二百餘人無一
得生還者

三月兵備僉事任公環參將解明道敗賊於南沙
斬首一百餘級

四月賊攻縣城

十七日賊登平洋沙二十一日攻東門甚急署縣
事太倉州同張魁千戶陳袍等悉力禦之賊乃退
去

五月賊再掠諸沙

初二日江北之賊浮海而歸過山前沙遇新至賊
復合舫登岸焚劫初五日賊焚南沙火光燭天初
八日三沙營前沙竹箔沙三沙雙明沙諸處俱
被賊無何三沙之賊復登平洋諸沙焚劫自是厥

後民廬煨燼所存無幾矣

六月三汛沙賊遁出海洋兵備副使任公環總兵俞大猷追擊敗之

賊奪民船出海環與大猷引舟師追擊於馬蹟山大破之擒獲倭酋灘捨賣及賊五十七人斬首九十三級

三十六年丁巳

二月賊掠營前沙蘓州府同知熊桴禦却之

時將提兵來守縣城聞報亟馳擊之賊乘風夜遁
三十八年己未

四月倭船突至三汊沙劉家港官兵連擊敗之賊屯
三沙

先是兵船憚於出洋潛泊內港賊至多不知偵其
滿載而去則襲以為功翰林唐公順之毘陵人也
免官家食洞燭情偽每感額歎曰痛哉鄉民橫罹
塗炭如腐予肉惜無能弔之至是言官交薦為職

方主事奉璽書視軍情至吳密查歷年飛報凡寇賊登劫地方月日與官兵禦避咸編手鏡買民船微行至海上各官兵見之大驚公詰之曰朝廷命吾查究功罪爾曹縱賊殘破郡邑死不可追衆譁然辨公曰某賊於某月日登某岸乃某之信地也不然飛報奚而是汝名乎某嘗戰而不勝限於力可恕也某未嘗戰某未嘗策應也案卷可徵爾何得欺我衆相顧語塞叩首不已公問何以自釋衆

請立功公曰不然我乃督戰官也爾曹但知畏我
臨陣稽考夫豈畏我平日之稽考乎須各具死罪
招由用印而藏之我方貸汝衆從之公施不測之
術或由江陰出收劉家河收吳淞江或由劉家河
吳淞江出海收許浦收楊舍收鼈子門收定海驚
風怒濤隆冬月黑人不敢行而公獨絡繹於溟渤
中間擒將官之潛泊者治之曰以偶避風對公應
之或我至不知寇至寧知之乎叱左右縛送軍門

諸將號泣而籲公杖之百取其再犯連坐甘結粘連於招由自是將官兢兢焉常哨海中遙望風帆輒疑公至整搦齊截不敢懈四月初九日倭船突至三沙總兵盧鏜與把總楊尚英迎擊之沈其三艘俘斬二百五十餘級既而衝劉家港官兵拒之頗有斬獲賊不得入歎曰不意中國之嚴備若此來無益矣且苟延以圖歸乎遂如三沙

兵部職方主事唐公順之與兵備副使熊公桴督總

兵官盧鏜副總兵劉顯等兵大困賊於三沙

總督大司馬胡公宗憲檄兵備副使熊公掇副總
兵劉顯與總兵盧鏜協剿三沙之賊時淮揚之寇
未靖亦唐公順之督視地方也唐公與提督都御
史李公遂討賊歟聞三沙之報即趨而南白儀部
伯倫止之曰士論多疑公避難殆南不可公曰江
北賊勢摧敗又已搶船包裹不擒即走矣我之去
江北而走江南乃去易就難非避難也公至太倉

各官兵猶豫不進公曰我兵若不渡海滅賊賊必渡海衝我內地勢不兩立也乃要提督都御史陳公鉉親征之陳曰公請先往畱我治兵餉接濟公乃督總兵盧鏜等以行密與熊公桴計造木城每扇高廣七尺四人舁之四人持銃箭二人執刀隨之連比而進遇蘆葦處先從木櫺中發銃箭驅走伏賊刀手從城足刈蘆蘆仆踐行而前後發銃箭如初如是者二十餘里我兵得盡登岸公速命撤

舟以防賊據且示我兵無歸意以兵分為三枝每枝千人令二總兵及諸參將分領各綴木城為營晝則擡行夜則據守不數日沙地七十餘里悉為我據賊之所據僅五里而已然賊多智而猛我兵常怯之沙中大家又有為賊奸細反揚賊勢恐怖我軍者公督各官兵逆戰賊浚濠築土垣貫茅竹潛覷我軍至即從竹筒中發銃箭我軍莫能近公令人舁銅發鑛佛狼機擊賊賊舞刀而出衆棄火

器走公怒欲斬諸裨將諸裨將曰兵不敢敵非將之罪也公不信親率諸將履陣兵望敵皆潰棄諸將與公弗顧諸將策公馬夾擁而旋公巡各營諭曰若等不受節制我知之矣誅之不可勝誅逃之不可勝捕也吾欲處汝無難編隊為冊更番而調敢有棄頭目走者查其該隊行令原籍有司追口糧囚家屬梟爾之首爾能逃乎三軍痛哭訴曰逃非本願見敵褫魄耳公問其故曰不閑武藝也公

曰奚而為兵乎曰向來官兵不戰罔罪故應募以規擔石之需今欲實戰不如願已公曰惡是何言也小民出銀奉汝為捍患耳縱賊殃民屢年我不爾殺方用爾一戰而猶弗諾乎三軍號泣不已或訴賊潮蒸熱瘡痢傳染公曰從征而歿爾之分也爾等茹辛通計不過三千人若縱汝還則賊亦過海海西各郡縣生靈並罹鋒鏑彼何辜乎我今但用汝困賊無容賊走而另請勁兵於總督胡公兵

至即換汝矣衆大悅遂相與戮力困賊沙上賊不得逞

六月提督都御史陳公鋌以告病去候代於丹陽

先是唐公順之敦陳公鋌之約過海督戰兵以鄉官目之弗之畏又勅語督視軍情無生殺權陳公假以旗牌便宜行事公恃此嚴明號令儼如提督在陣不虞陳公之上疏稱疾也一得俞旨即還蘇州旗牌官皆去巡按御史朱公某方丁憂巡江御

史自五月交代未至諸事皆瓦解兵餉不給公莫
知所措移書於陳公曰東南不可無公況三沙正
在緊急用兵之際願少駐以待事寧此不過遲公
十數日還山之樂而東南利害關係甚大也陳公
弗許或諷公曰爾非守土之官也事既掣肘推脫
擔子何如公曰朝廷原以我為視軍情官假如高
坐省城今日移文督江北總兵明日移文督江南
兵備此等使乖五十歲外人宜智不及此顧江南

無一上司賊千二三百人未有所掠皆如餓虎若
登老岸禍不可言故與兵備兩舟經月在海嚴督
將士困賊於一杯沙上至於搗巢之舉則我兵素
怯須別選精兵俟隙圖之耳吾本愚人只幹愚人
事惹出議論不敢計也

七月督視軍情兵部主事唐公順之如杭州屬兵備
副使熊公桴督兵困賊賊乘風雨遁之江北

賊勢窮促以沙民屋木造舟為逃竄計我兵餉亦

將匱唐公順之曰事急矣賊若渡海而西沿海兵
船乏人監督賊必登岸如螃蟹散逸不可收拾矣
遂以三沙兵屬之兵備熊公桴而自西歸申嚴水
陸將士約束馳晤陳公銳議兵食陳公曰我行矣
東南事有梅林在君其圖之時天大旱禾苗盡槁
公謂陳公曰倭寇之患地方猶有限公為巡撫若
不上荒疏而去朝廷不行蠲賦賑貸千里生靈誰
與造命請問責安所委陳公然之即日繕疏入告

公乃如杭州與總督胡公宗憲計議胡公見而訝之曰三沙告急吾方調兵航海策應君胡然來也公曰勁兵不至賊誰與滅糧餉不繼兵何以生須假我兵食事權方能為役耳胡公如其言公將出定海關而三沙之飛報歟至是月十六日四更風雨大作賊乘間由北洋遁去次日犯七星港登岸公聞之一面查論將官縱賊之罪一面赴江北剿賊提督都御史李公遂謂公曰君在江南不能滅

賊而縱之馳突我今方畧已定早晚滅賊矣君又
來撓我事何耶公曰賊至三月不曾流毒江南地
方亦不能掠民財皆我力也我乃看人行事之官
原無兵柄而焉能罪我哉且朝廷原勅我視軍情
江南北皆我責任也而焉能辭我乃相與戮力剿
賊未幾賊平公歸語人曰使江南有一李克齋搗
賊巢如反掌何獨累我煩難若是又曰江南賊雖
走然大受挫凡在三沙者無一生還島夷聞之必

數年不敢近邊時唐公順之力主滅賊一時行役者多憾之或議其輕出或責其武功不成或謗其黷貨後因積勞成疾轉官而卒卒後倭果累年不至蘇松人始知感其恩德云

四十四年乙丑

四月賊犯三沙官兵討平之

詳見太倉倭患事蹟

五月官兵破賊於三沙外洋

詳見太倉倭患事蹟

詳觀崇明倭患則順之唐公之功亦偉矣至於
力贊陳公錠上旱荒疏與千里生靈造命非痼
瘵切身者其孰能之

與唐荆川論三沙戰法

竊惟倭至海邊不得內寇僅據三沙最爾之地高明之
功雖三尺童子無不舉首加額而感頌之此天地父母
之恩不俟若曾之贅言也沙蘆蔽野賊易潛伏其中我

兵進逼攻殺全賴木城之功此亦非高明之神智不能及此然而寇未易盡除戰未必盡勝雖曰貫魚殲豕必無可逃而千慮一得之愚不忍緘默敢敬陳之以備採擇之萬一不自知其是否也

一木城之制但可以為安營使人居宿不可以為行營使人出戰蓋兵之戰也畏敵如虎何以能使其不走耶如愚見須用步步為營之法多造皮牌其制也濶約三尺長約七尺短約三尺五寸用木作

筐縵以生厚牛皮潤以生熟桐油筐之兩傍上下
各釘鈕二付後用撐木一根撐於轉軸之內以便
行持止立之用牌面後披布被一幅中加薄綿以
為鉛錫彈穿皮之防每一長牌間一短牌長以蔽
身短以出械長短相比聯以鐵鈕此器也可以分
可以合可以方可以圓可以多可以寡可以長可
以短可以守可以攻行則使人共挑而前與賊對
戰賊不能犯而我在營之內有所倚恃且又不能

走散如欲止也則隨地炊爨如遇蘆葦木槁可以
舉牌而砍如遇陷坑高壘可以相機而過此法似
與木城相為表裏倘執事以為可行乞令各屬州
縣如式造解似於軍機裨補不小

一皮營之制須量兵數多寡以為大小或千人而合
為一團或幾百人而分為幾團欲出則四角各開
牌一二扇以為門欲歸則擡營從容至木城不患
寇賊追逐何便如之是營也若以之攻賊巢幾營

相約而進互為應援何火器不可發何弓弩不可施賊雖衝來我無患焉不拘為日久近賊未有不受困者也

一軍營之內須設敵臺瞭高禦遠如今木城架木所為是矣但在皮營活動制須更別如愚見宜倣鄴架之制四角立柱四方上下各以橫木鑲之高約丈許濶約四尺長約八尺上中下各設鐵銷鋪板一層架之兩頭一頭橫鑲踏木幾層令人可躡而

上一頭用毛竹片釘滿以為竹城竹城之外蔽以薄絲綿被一幅其行也可以拆而束之其用也可以裝而立之其制悉用鑲笋其在一架雖若褊狹數架相並鐵鈕連之則合成一樓矣皮營之內每角各設一樓以竹城一面向敵竹城之制不宜一律齊高須一架稍高一架稍低亦如皮牌行營高低之狀高以蔽身低以望敵且以放銃發矢其樓板中層亦須穿孔一箇可放銃矢若夫佛狼機之

功用甚大攻巢破壘既有皮營可以隨帶而行不
患賊人搶奪但此器非竹樓之所能架須用秤法
秤起可也

蘇州府土賊要害

吳縣

出賊就於本處聚劫

五龍橋

在盤門外鮎魚口通太湖

長洲縣

出賊就於本處聚劫

沙湖

在婁門東二十里官塘湖南有誅斬賊盜四
圩素稱出賊淵藪

金雞墩

在虎丘山西此處出賊雖不似沙湖之多然
為患久矣

聚劫

射瀆口

在潯墅南十里官塘

長船灣

在齊門西北通長蕩華蕩諸湖

鹽盜出沒

販鹽出賣大幫而行則為私鹽船謂之鹽
徒賣盡空回遇舟即劫則為落鹽船謂之

盜賊是賊也惟在大水曠野遠城郭處往來各縣並同

夾浦

在盤門外二十五里官塘東連吳淞江

金雞渚

在封門東六里東通吳淞江

西界浦

在縣治東四十里北通陽城湖南接吳淞江

雙廟頭

在角直南近陳湖

陽城湖

在縣治東北十餘里

蠡口

在齊門北東通陽城湖西通漕湖長蕩

崑山縣

出賊就於本處聚劫

新洋江口

在縣治東門外四五里官塘南通吳淞江

聚劫

新岳廟

在縣治南三十六里大河交汊五條小河交汊四條通陳湖萬千湖雙洋潭極為空野

三汊港

在縣治東南南通吳淞江北接新洋江水大

而野

夏界浦

在縣治東南東北通婁江西南通吳淞江

鹽盜出沒

澱山湖

在縣治東南六十里雄跨三縣界東曰華亭

南曰平湖北曰崑山

顧浦口

在縣治東南吳淞江上

白蕩

如湖之狀有大有小皆以白蕩名在五保者
三在老鴉窠者一在陳墓者四均之為鹽盜
出沒者也

常熟縣

出賊

包港

在大江邊

西洋港

在大江邊

已上二處專出大盜外而洋子江內而五湖各處行劫其夥多其根固未易以芟刈也

聚劫

吳塢

在縣治南與長洲縣交界之處官塘之上此處鹽盜亦出沒

鹽盜出沒

白茆

在縣東北境出海之處

華蕩口

在縣治西南

吳江縣

出賊

太湖之濱如因瀆簡邨震澤之類無非出賊淵

藪

聚劫

八斤

在縣治南二十里官塘

火汊港

在王江涇官塘

鹽盜出沒

鰲塘頭

在太湖東北

汾湖

在縣治東四十五里東通三泖北通鶯脰湖

嘉定縣

出賊

牛角尖

在縣治東北近海素出有名大盜未易擒緝
與常熟縣之包港西洋港同

江東

在吳淞江口之南老鶴嘴一帶是也賣鹽之
地

安亭

在縣治西南與崑山縣交界積年荒旱之地
故多盜

聚劫

黃渡

在縣治西南

太倉州

出賊

甘草


在州治東北七十里東臨大洋

陸河

在州治東北七十里

聚劫

濱海大港民舟乘潮而行百十成羣盜不可劫
小港多不通舟賊無所劫故聚劫之處太倉無
可指



江南經畧卷三下